

სსიპ-საქართველოს ინტელექტუალური საკუთრების ეროვნული ცენტრი „საქპატენტი“

გამარტივებული ელექტრონული ტენდერის საშუალებით
ახალი ამბების სააგენტოების მომსახურებების შესყიდვა CPV - 92400000

შესყიდვის სავარაუდო ღირებულება 9000 ლარი დღგ-ს ჩათვლით

წინამდებარე სატენდერო დოკუმენტაცია შედგენილია
„სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული ელექტრონული
ტენდერისა და ელექტრონული ტენდერის ჩატარების წესის“ სახელმწიფო შესყიდვების სააგენტოს თავმჯდომარის
07.04.2011წ. №9 ბრძანების საფუძველზე

დაფინანსების წყარო: საკუთარი შემოსავლები

ქ. მცხეთა, 2016 წ.

სარჩევი

1. ტექნიკური დავალება	3
2. სახელმწიფო შესყიდვის შესახებ ხელშეკრულების პროექტი	6
3. დანართი №1 ხარჯთაღრიცხვა	11

ტექნიკური დოკუმენტაცია

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციაში განსაზღვრულ მოთხოვნებზე

ტექნიკური დავალება

1. მომსახურების ტექნიკური მახასიათებლები

N	მომსახურების დასახელება	2016 წლის 31 დეკემბრის ჩათვლით გასაწევი მომსახურების რაოდენობა
1	ნიუსების, ანონსების, ინტერვიუების, კომენტარების და უწყების ოფიციალური განცხადებების (მ.შ. ფოტომასალის) განთავსება საინფორმაციო სააგენტოში რომელიც ინტერნეტ სააგენტოების რეიტინგში იმყოფება პირველ 3 პოზიციაზე; არის სამენოვანი (ქართული, რუსული, ინგლისური); 24 საათიანი; ამზადებს მომავალი დღის ანონსს; აქვს წარმომადგენლობები საქართველოს რეგიონებში; აქვს ინტერნეტ აპლიკაცია; გააჩნია არანაკლებ 5 (ხუთი) წლიანი მუშაობის გამოცდილება.	36
2	ღონისძიებების (აქციების, პრესკონფერენციების, პრეზენტაციების, კონფერენციების და ა.შ) გაშუქებასთან დაკავშირებული ვიდეორეპორტაჟის მომზადება, (ქ. თბილისის გარდა, ტრანსპორტირებას უზრუნველყოფს საქპატენტი). ვიდეორეპორტაჟი უნდა მომზადდეს პროფესიონალური HD ვიდეო კამერით, რომელიც იძლევა მაღალი ხარისხის გამოსახულებას, აღჭურვილი ყველა საჭირო ინვენტარით მ.შ. „Tripod System“, დამტენი, მიკროფონი, მიკროფონის მიმღები, მაშუქი. ოპერატორი უნდა ფლობდეს აკრედიტაციას ან შესაბამის დოკუმენტს ყველა სახელმწიფო სტრუქტურებში გადაღების შესახებ მ.შ. მთავრობის კანცელარია, პარლამენტი, სასამართლო. უნდა უზრუნველყოს მასალის მონტაჟი (დამონტაჟებული მასალა არანაკლებ 1 წუთი, მათ შორის ინტევიუ არანაკლებ 30 წამი), მასალის მიწოდება არაუგვიანეს ღონისძიების დაწყებიდან 1 საათში.	12
3	ღონისძიებების (აქციების, პრესკონფერენციების, პრეზენტაციების, კონფერენციების და ა.შ) გაშუქებასთან დაკავშირებული ფოტორეპორტაჟის მომზადება, (ქ. თბილისის გარდა, ტრანსპორტირებას უზრუნველყოფს საქპატენტი). ფოტორეპორტაჟი უნდა მომზადდეს პროფესიონალური ციფრული ფოტოაპარატით, რომელიც იძლევა მაღალი ხარისხის რეზოლუციას, აღჭურვილია ყველა ტიპის ობიექტივით და საჭირო ინვენტარით მ.შ. მაშუქითა და wifi-იანი მეხსიერების ბარათით. ფოტორეპორტიორი უნდა ფლობდეს აკრედიტაციას ან შესაბამის დოკუმენტს სახელმწიფო სტრუქტურებში გადაღების შესახებ. არანაკლებ 5 დამუშავებული ფოტო თითოეულ ღონისძიებაზე.	12
4	დამკვეთის საქმიანობის შესახებ მასალის მომზადება და განთავსება საინფორმაციო-ანალიტიკურ პორტალზე, რომელიც საინფორმაციო პორტალების რეიტინგში იმყოფება პირველ 3 პოზიციაზე;	6

2. ანგარიშსწორების პირობები:

- 2.1. სატენდერო წინადადებაში საერთო და ერთეულის ფასი გამოსახულ უნდა იყოს საქართველოს კანონმდებლობით გათვალისწინებული ყველა გადასახადის და მომსახურების მიწოდებასთან დაკავშირებული ყველა ხარჯის გათვალისწინებით;
- 2.2. თუ პრეტენდენტი არ არის დღგ-ს გადამხდელი, მასთან ანგარიშსწორება მოხდება დღგ-ს თანხის გამოკლებით, ამასთან, გამარჯვების შემთხვევაში პრეტენდენტმა უნდა წარმოადგინოს შესაბამისი ცნობა აღნიშნულის თაობაზე.
- 2.3. სატენდერო წინადადების საერთო და ერთეულის ფასის (ცხრილში მოცემული თითოეული პოზიციისთვის) წარმოდგენა დასაშვებია მხოლოდ ლარში;
- 2.4. ანგარიშსწორება მოხდება უნაღდო ანგარიშსწორებით ლარში;
- 2.5. ანგარიშსწორება მოხდება ეტაპობრივად, ფაქტიურად გაწეული მომსახურების საფუძველზე, შესაბამისი მიღება-ჩაბარების აქტის გაფორმებიდან და შესაბამისი ფინანსური დოკუმენტაციის წარმოდგენიდან 10 სამუშაო დღის განმავლობაში;
- 2.6. საავანსო ანგარიშსწორება არ გამოიყენება.

3. მომსახურების გაწევის ვადა და ადგილი:

- 3.1. მომსახურების გაწევა უნდა განხორციელდეს ეტაპობრივად, შემსყიდველის მიერ გამართული ღონისძიებების შესაბამისად, 2016 წლის 31 დეკემბრამდე, შემსყიდველის მოთხოვნის შესაბამისად შემსყიდველის მიერ მითითებულ მისამართებზე.

4. პრეტენდენტის მიერ სისტემაში ასატვირთი მონაცემები:

- 4.1. პრეტენდენტის რეკვიზიტები (იურიდიული სახელწოდება, ფორმა, მისამართი, საიდენტიფიკაციო კოდი, ტელეფონის/ფაქსის ნომერი, ხელმძღვანელ(ებ)ის სახელი და გვარი, ელექტრონული მისამართი, ბანკის დასახელება, ბანკის კოდი, ანგარიშსწორების ანგარიშის ნომერი);
- 4.2. გასაწევი მომსახურების ფასების ცხრილი (დანართი N1-ის მიხედვით);
- 4.3. პრეტენდენტს უნდა გააჩნდეს არანაკლებ 5 (ხუთი) წლიანი მუშაობის გამოცდილება. გამოცდილების დამადასტურებელი შესაბამისი დოკუმენტები (ხელშეკრულებები, მიღება-ჩაბარების აქტები, საგადასახადო ანგარიშ-ფაქტურები) ატვირთული უნდა იქნას სახელმწიფო შესყიდვების ერთიან ელექტრონულ სისტემაში წარმოდგენილ ტექნიკურ დოკუმენტაციასთან ერთად.

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა უნდა დასაბუთდეს პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით).

შენიშვნა: გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასის შესაბამისი ხარჯთაღრიცხვა (საჭიროების შემთხვევაში).

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი პირის მიერ.

დამატებითი ინფორმაციის მიღება შესაძლებელია სატენდერო კომისიის აპარატში, საკონტაქტო ტელეფონი: 225-25-33

პროექტი
სახელმწიფო შესყიდვის შესახებ ხელშეკრულება №

ქ. მცხეთა

_____ 2016 წ.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტი“ თავმჯდომარის მიერ 2013 წლის 03 იანვრის №04 ბრძანებით მინიჭებული უფლებამოსილების საფუძველზე), და მეორეს მხრივ, _____ (შემდგომში „მიმწოდებელი“) წარმოდგენილი _____ სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.6. „ტექნიკური დავალება“ – №SPA----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.

2. ხელშეკრულების საგანი

ხელშეკრულების საგანს წარმოადგენს ახალი ამბების სააგენტოების მომსახურებების შესყიდვა დანართ N1-ში მოცემული ოდენობებითა და პირობებით. CPV – 92400000.

3. ხელშეკრულების ჯამური ღირებულება

- 3.1. ხელშეკრულების საერთო ჯამური ღირებულება შეადგენს _____ ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება ეტაპობრივად, შესაბამისი მიღება-ჩაბარების

აქტის საფუძველზე, უნაღდო ანგარიშსწორების წესით ეროვნულ ვალუტაში.

- 4.2. ანგარიშსწორება განხორციელდება მიმწოდებლის მიერ ფაქტიურად გაწეული მომსახურების შესაბამისი მიღება-ჩაბარების აქტზე მხარეთა ხელმოწერის და საანგარიშსწორებო დოკუმენტაციის წარდგენიდან 10 (ათი) სამუშაო დღის განმავლობაში, მიმწოდებლის მიერ მითითებული რეკვიზიტების მიხედვით.

5. მიღება-ჩაბარების წესი

- 5.1. მომსახურება ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს:
- _____.

6. მიწოდების ვადა

- 6.1. მომსახურების მიწოდება განხორციელდება ეტაპობრივად, 2016 წლის 31 დეკემბრამდე, შემსყიდველის მოთხოვნის შესაბამისად.
- 6.2. მომსახურების მიწოდებასთან დაკავშირებული ყველა ხარჯის უზრუნველყოფას განახორციელებს მიმწოდებელი საკუთარი ხარჯებით (გარდა ქ. თბილისს გარეთ არსებული ღონისძიების სატრანსპორტო ხარჯებისა. ქ. თბილისს გარეთ არსებული ღონისძიების შემთხვევაში ტრანსპორტირებას უზრუნველყოფს საქპატენტი).

7. მხარეთა უფლება-მოვალეობანი

- 7.1. შემსყიდველი უფლებამოსილია:
- 7.1.1. მოსთხოვოს მიმწოდებელს მომსახურების მიწოდება ხელშეკრულებით გათვალისწინებული პირობებითა და ვადებში;
 - 7.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი (ინსპექტირება);
 - 7.1.3. მიიღოს მხოლოდ წინამდებარე ხელშეკრულებით გათვალისწინებული მომსახურება;
 - 7.1.4. უარი განაცხადოს უხარისხო მომსახურების მიღებაზე.
- 7.2. შემსყიდველი ვალდებულია:
- 7.2.1. უზრუნველყოს ქ. თბილისს ფარგლებს გარეთ ჩასატარებული ღონისძიების შემთხვევაში ოპერატორისა და სხვა პირების ტრანსპორტირება საკუთარი ხარჯებით;
 - 7.2.2. უზრუნველყოს გაწეული მომსახურების შესაბამისი ღირებულების ანაზღაურება ხელშეკრულებით გათვალისწინებულ ვადებში.
- 7.3. მიმწოდებელი უფლებამოსილია მოსთხოვოს შემსყიდველს გაწეული მომსახურების შესაბამისი ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4. მიმწოდებელი ვალდებულია:
- 7.4.1. გადასცეს შემსყიდველს უფლებრივად უნაკლო მომსახურება და მასთან დაკავშირებული მასალა, წინამდებარე ხელშეკრულებით გათვალისწინებულ ვადებში;
 - 7.4.2. მიაწოდოს შემსყიდველს წინამდებარე ხელშეკრულებით გათვალისწინებული მომსახურება.

8. ხელშეკრულებით ნაკისრი ვალდებულებების შესრულების ინსპექტირება

- 8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განხორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 8.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

- 9.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 9.2. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი რაოდენობისა და ხარისხის მომსახურების გაწევა, მიმწოდებელს დაეკისრება პირგასამტეხლო მთლიანი სახელშეკრულებო ღირებულების 0,5%-ის ოდენობით ყოველ ვადაგადაცილებულ დღეზე.
- 9.3. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.
- 9.4. შემსყიდველის მხრიდან ხელშეკრულებით გათვალისწინებული ანგარიშსწორების ვადების დარღვევის შემთხვევაში, შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0,5% ყოველ ვადაგადაცილებულ დღეზე.
- 9.5. მხარის მიერ ხელშეკრულების პირობების სრული ან ნაწილობრივ დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებებზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ ცალმხრივად შეწყვიტოს ხელშეკრულება. საქართველოს სამოქალაქო კანონმდებლობით გათვალისწინებულ შემთხვევებში მხარე უფლებამოსილია შეწყვიტოს ხელშეკრულება გონივრული ვადის დაწესების გარეშე.
- 9.6. წინამდებარე ხელშეკრულებით გათვალისწინებული პირგასამტეხლოს გარდა, ნებისმიერ მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 9.7. მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან.

10. ხელშეკრულებაში ცვლილებების შეტანა

- 10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური

ღირებულების 10%-ზე მეტი ოდენობით გაზრდა.

- 10.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

11. ფორს-მაჟორი

- 11.1. ფორს-მაჟორი ნიშნავს მხარეებისთვის გადაუღებელ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.
- 11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვ.).
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.
- 11.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 11.5. მხარეები ანახლებენ ხელშეკრულებით ნაკისრი ვალდებულებების შესრულებას ფორს-მაჟორული გარემოებების აღმოფხვრისთანავე.
- 11.6. წინამდებარე ხელშეკრულებით განსაზღვრული ვალდებულებების შესრულების ვადები გადაიწევის იმ ვადით, რა ვადითაც გრძელდებოდა ფორს-მაჟორული გარემოება.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა და შეწყვეტის პირობები

- 13.1. ხელშეკრულება ძალაში შედის მხარეთა მიერ ხელმოწერის დღიდან და ძალაშია ----- მდე.
- 13.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 13.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ წერილობითი შეტყობინების მიღებიდან 5 (ხუთი) დღის ვადაში, იმ შემთხვევაში, თუ:
- 13.3.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;
- 13.3.2. წინამდებარე ხელშეკრულების მე-10 მუხლით გათვალისწინებული შემთხვევების დადგომისას არსებითად იცვლება ხელშეკრულების პირობები;
- 13.3.3. დაუძლეველი ძალის (ფორს-მაჟორი) მოქმედება გრძელდება 1 (ერთი) თვეზე მეტ ხანს;

13.3.4. წინამდებარე ხელშეკრულების 9.3. და 9.5. პუნქტებით გათვალისწინებულ შემთხვევას ექნება ადგილი.

13.4. ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით გათვალისწინებული საფუძვლებით.

14. დასკვნითი დებულებები

14.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) ეგზემპლარად (ერთი ეგზემპლარი მიმწოდებელს, ხოლო ორი შემსყიდველს).

14.2. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს წინამდებარე ხელშეკრულებით ნაკისრი ვალდებულებები მესამე პირს.

14.3. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.

14.4. ურთიერთობანი, რომელიც არ არის რეგულირებადი წინამდებარე ხელშეკრულებით, რეგულირდება მოქმედი კანონმდებლობის შესაბამისად.

15. მხარეთა რეკვიზიტები და ხელმოწერები

შემსყიდველი

მიმწოდებელი

სსიპ საქართველოს ინტელექტუალური საკუთრების ეროვნული ცენტრი „საქპატენტი“

მისამართი: ქ. მცხეთა, ანტიოქიის ქ. №5

საიდენტიფიკაციო კოდი: 203831363

საბანკო რეკვიზიტები:

მიმღების ბანკი: სახელმწიფო ხაზინა

მიმღების დასახელება: ხაზინის ერთიანი ანგარიში

ბანკის კოდი: TRESGE22

სახაზინო კოდი/ანგარიშის ნომერი: 707807132

საფინანსო დეპარტამენტის უფროსი

ვლადიმერ სიხარულიძე

ხარჯთაღრიცხვა (დღგ-ის ჩათვლით)

პრეტენდენტის დასახელება -----

N	მომსახურების დასახელება	გასაწევი მომსახურების რაოდენობა	ერთეულის ფასი	ჯამი
1	ნიუსების, ანონსების, ინტერვიუების, კომენტარების და უწყების ოფიციალური განცხადებების (მ.შ. ფოტომასალის) განთავსება საინფორმაციო სააგენტოში რომელიც ინტერნეტ სააგენტოების რეიტინგში იმყოფება პირველ 3 პოზიციაზე; არის სამენოვანი (ქართული, რუსული, ინგლისური);24 საათიანი;ამზადებს მომავალი დღის ანონსს; აქვს წარმომადგენლობები საქართველოს რეგიონებში; აქვს ინტერნეტ აპლიკაცია; გააჩნია არანაკლებ 5 (ხუთი) წლიანი მუშაობის გამოცდილება.	36		
2	ლონისძიებების (აქციების, პრესკონფერენციების, პრეზენტაციების, კონფერენციების და ა.შ) გაშუქებასთან დაკავშირებული ვიდეორეპორტაჟის მომზადება, (ქ.თბილისის გარდა, ტრანსპორტირებას უზრუნველყოფს საქპატენტი). ვიდეორეპორტაჟი უნდა მომზადდეს პროფესიონალური HD ვიდეო კამერით, რომელიც იძლევა მაღალი ხარისხის გამოსახულებას, აღჭურვილი ყველა საჭირო ინვენტარით მ.შ. „Tripod System”, დამტენი, მიკროფონი, მიკროფონის მიმღები, მაშუქი. ოპერატორი უნდა ფლობდეს აკრედიტაციას ან შესაბამის დოკუმენტს ყველა სახელმწიფო სტრუქტურებში გადაღების შესახებ მ.შ. მთავრობის კანცელარია, პარლამენტი, სასამართლო. უნდა უზრუნველყოს მასალის მონტაჟი (დამონტაჟებული მასალა არანაკლებ 1 წუთი, მათ შორის ინტეგრირება არანაკლებ 30 წამი), მასალის მიწოდება,არაუგვიანეს ღონისძიების დაწყებიდან 1 საათში.	12		
3	ლონისძიებების (აქციების, პრესკონფერენციების, პრეზენტაციების, კონფერენციების და ა.შ) გაშუქებასთან დაკავშირებული ფოტორეპორტაჟის მომზადება, (ქ.თბილისის გარდა, ტრანსპორტირებას უზრუნველყოფს საქპატენტი). ფოტორეპორტაჟი უნდა მომზადდეს პროფესიონალური ციფრული ფოტოაპარატით, რომელიც იძლევა მაღალი ხარისხის რეზოლუციას, აღჭურვილია ყველა ტიპის ობიექტივით და საჭირო ინვენტარით მ.შ. მაშუქითა და wifi-იანი მეხსიერების ბარათით. ფოტორეპორტიორი უნდა ფლობდეს აკრედიტაციას ან შესაბამის დოკუმენტს სახელმწიფო სტრუქტურებში გადაღების შესახებ. არანაკლებ 5 დამუშავებული ფოტო თითოეულ ღონისძიებაზე.	12		
4	დამკვეთის საქმიანობის შესახებ მასალის მომზადება და განთავსება საინფორმაციო-ანალიტიკურ პორტალზე, რომელიც საინფორმაციო პორტალების რეიტინგში იმყოფება პირველ 3 პოზიციაზე.	6		

პრეტენდენტის ხელმოწერა და ბეჭედი -----